

Կ Ա Ր Գ

ԶՈՐԱՀԱՎԱՔԻ ԺԱՄԱՆԱԿ ԶՈՐԱՄԱՍԵՐԻՆ ԿՑԱԳՐՎԱԾ ՔԱՂԱՔԱՑԻՆԵՐԻՆ
ԶԻՆՎՈՐԱԿԱՆ ԾԱՌԱՅՈՒԹՅԱՆ ԶՈՐԱԿՈՉԵԼՈՒ ԵՎ ՔԱՂԱՔԱՑԻԱԿԱՆ
ՊԱՇՏՈՆՆԵՐՈՒՄ ԱՇԽԱՏԵԼՈՒ ՀԱՄԱՐ ԶԻՆՎԱԾ ՈՒԺԵՐ ԵՎ ԱՅԼ ԶՈՐՔԵՐ
ԳՈՐԾՈՒՂԵԼՈՒ

1. Սույն կարգով կանոնակարգվում են գորահավաքի ժամանակ գորամասերին կցա-
գրված Հայաստանի Հանրապետության քաղաքացիների՝ զինվորական ծառայության գորա-
կոչի և ռազմական դրության կազմակերպական կառուցվածքով նախատեսված քաղաքա-
ցիական պաշտոններում աշխատելու համար Հայաստանի Հանրապետության զինված
ուժեր և այլ զորքեր գործուղելու, այդ գործընթացում իրավասու պետական մարմինների
կողմից խաղաղ և ռազմական դրության ժամանակ իրականացվող գործունեության հետ
կապված հարաբերությունները:

2. Զորահավաքի ժամանակ քաղաքացիների գորակոչը համալիր միջոցառումների
համակարգ է, որն իրականացվում է զինված ուժերը և այլ զորքերը ռազմական դրության
կազմակերպական կառուցվածքով նախատեսված քանակով մարդկային ռեսուրսներով
ժամանակին ու որակյալ համալրելու համար և նպատակ ունի պատերազմի դեպքում
ապահովելու Հայաստանի Հանրապետության քաղաքացիների մասնակցությունը Հայաս-
տանի Հանրապետության պաշտպանությանը:

3. Զորահավաքի ժամանակ քաղաքացիների գորակոչը ներառում է՝

- 1) գորահավաքային գորակոչ անցկացնելու մասին ակտի ընդունումը.
- 2) քաղաքացիների ծանուցումը գորակոչվելու մասին և նրանց ներկայանալը զին-
վորական կոմիսարիատներ, նախնական հավաքակետեր, գորամասերի ընդունման կետեր.

3) գորահավաքային գորակոչի փաստաթղթային ձևակերպումը:

4. Ձորահավաքի ժամանակ քաղաքացիների՝ ժամանակին ու որակյալ գորակոչն իրականացնելու նպատակով Հայաստանի Հանրապետության զինված ուժերի պահեստագործում հաշվառված զինապարտները խաղաղ ժամանակ կցագրվում են գորամասերին՝ իրենց զինվորական հաշվառմանը, ինչպես նաև քաղաքացիական մասնագիտություններին ու զինվորական կոչումներին համապատասխան: Ջինապարտները գորամասերին կցագրվում են տարածքային զինվորական կոմիսարիատների կողմից՝ համագործակցելով գորահավաքի ժամանակ համալրվող գորամասերի հետ:

5. Համապատասխան գորամասին կցագրված քաղաքացին մեկամսյա ժամկետում դրա մասին տեղեկացվում է զինկոմիսարիատ հրավիրվելու և գորահավաքային կարգազիր ստանալու միջոցով, որում նշվում են գորահավաքային գորակոչ հայտարարվելու դեպքում քաղաքացու ներկայանալու վայրը և ժամկետը: Ձորահավաքային կարգազրի ձևը հաստատվում է Հայաստանի Հանրապետության պաշտպանության նախարարի նորմատիվ հրամանով: Գորամասերին կցագրված քաղաքացիների ազդարարման նպատակով համապատասխան զինվորական կոմիսարիատների կողմից կազմվում են ծանուցագրեր, որոնք խաղաղ ժամանակ պահվում են զինվորական կոմիսարիատներում՝ համա- ձայն գործող կարգերի:

6. Ձորահավաքային գորակոչ հայտարարվելու դեպքում գորամասերին կցագրված քաղաքացիների ազդարարումն ըստ բնակության կամ աշխատանքի վայրերի կազմակերպելու նպատակով զինվորական կոմիսարիատներում ստեղծվում են ազդարարման տեղամասեր, որոնց թիվը որոշվում է՝ ելնելով գորամասերին կցագրված քաղաքացիների թվից:

7. Ձորահավաքի ժամանակ քաղաքացիների գորակոչը ձևակերպվում է, և նրանք նախնական հավաքակետեր կամ գորամասերի ընդունման կետեր հասցվում են Հայաստանի Հանրապետության պաշտպանության նախարարի նորմատիվ հրամանով սահմանված կարգով:

8. Պետական և տեղական ինքնակառավարման մարմիններում, կազմակերպություններում աշխատող քաղաքացիները, ովքեր գորահավաքի ընթացքում զինվորական ծառայության չեն գորակոչվել, ըստ անհրաժեշտության կարող են գործուղվել զինված ուժեր և այլ զորքեր՝ քաղաքացիական պաշտոններում աշխատելու համար: Այդ նպատակով խաղաղ ժամանակ տարածքային զինկոմիսարիատները համապատասխան աշխատանքներ են իրականացնում պետական և տեղական ինքնակառավարման մարմինների, կազմակերպությունների հետ, հնարավորինս ճշգրտում են այդ քաղաքացիների ցուցակները, գորահավաքի ժամանակ պետական և տեղական ինքնակառավարման մարմիններից, կազմակերպություններից զինված ուժեր և այլ զորքեր նրանց գործուղելու հնարավորությունները՝ նշված մարմինների բնականոն գործունեությունը չխաթարելու նպատակով:

9. Սույն կարգի 8-րդ կետի պահանջների համաձայն քաղաքացիների գործուղումն իրականացվում է տարածքային զինկոմիսարիատի հայտով, որի հիման վրա պետական և տեղական ինքնակառավարման մարմինների, կազմակերպությունների ղեկավարների հրամանով ձևակերպվում է գործուղումը: Նշված դեպքում պահպանվում է քաղաքացու աշխատատեղը (պաշտոնը), գործուղման վայրում քաղաքացին ստանում է իր նշանակված պաշտոնի համար նախատեսված ամսական աշխատավարձը, նրա վրա տարածվում են զինծառայողների և նրանց ընտանիքների անդամների համար օրենքով սահմանված սոցիալական ու իրավական երաշխիքները:

10. Սույն կարգի պահանջների համաձայն գորահավաքի ժամանակ քաղաքացիների գորակոչի ու քաղաքացիական պաշտոններում աշխատելու համար զինված ուժեր և այլ զորքեր գործուղումն օրենքով սահմանված կարգով ապահովում են Հայաստանի Հանրապետության կառավարության որոշմամբ ստեղծված գորակոչային հանձնաժողովները:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ

Դ. ՍԱՐԳՍՅԱՆ